

PRAVILNIK O RADU SEKCIJE ZA ŠKOLSKI PROGRAM

SAVEZA SPORTSKO PLESNIH KLUBOVA U BOSNI I HERCEGOVINI

*Prilog 1 pravilnika o radu sekcije za sportski ples i
formacije*

U Sarajevu 25.05.2018. godine

Na osnovu Statuta SSPKuBiH, i pravilnika o radu sekcije za sportski ples i formacije UO Sekcije za školski program usvojio je

PRAVILNIK O RADU SEKCIJE ZA ŠKOLSKI PROGRAM

I. OPŠTE ODREDBE

Član 1.

SSPKuBiH takmičenja školskog programa održavaju se prema usvojenom Kalendaru takmičenja SSPKuBiH a prema satnici koju definiše organizator SSPKuBiH takmičenja u dogovoru s SSPKuBiH.

U slučaju da je zbog velikog broja prijavljenih takmičara za školskog programa potrebno održati takmičenje u zasebnom terminu, Upravni odbor SSPKuBiH i UO Sekcije za školski program donosi odluku o daljem postupanju.

II. REGISTRACIJA TAKMIČARA

Član 2.

Takmičari se registriraju na način opisan u Registracijskom pravilniku SSPKuBiH.

Takmičar se može takmičiti u početnoj razini kao pojedinac, par, član grupe ili formacije te u naprednoj razini sportske plesne sekcije kao pojedinac, par, član grupe i formacije.

Iznos godišnje registracije za takmičara utvrđuje se cjenovnikom.

Svaki registrovani takmičar dobiće takmičarsku knjižicu.

Svi takmičari koji steknu status sportskog plesnog para, u daljem tekstu SPP, mogu se i dalje takmičiti kao članovi grupa ili formacija.

Takmičari koji su prethodno bili registrovani kao SPP SSPKuBiH imaju mogućnost takmičiti se u naprednoj razini kao pojedinac, član grupe ili formacije.

III. OBLICI TAKMIČENJA

Član 3.

1. Pojedinci – Solo (1 takmičar),
2. Parovi – Duo (2 takmičara istog ili različitog spola)
3. Grupa (3 do 7 članova istih ili različitih spolova),
4. Formacija (8 do 24 članova istih ili različitih spolova)

IV. STAROSNE KATEGORIJE

Član 4.

Starosne kategorije opisane su u ovim pravilima;

- Cicibani (do 6 godina starosti)
- Pioniri 1 (do 9. godina starosti),
- Pioniri 2 (10. i 11. godina starosti),
- Juniori 1 (12. i 13. godina starosti),
- Juniori 2 (14. i 15. godina starosti),
- Omladinci (od 16. do 18. godina starosti),
- U-21 (od 16. do 21. godine starosti),
- Odrasli (od 19 godina starosti),
- Seniori (35. i više godina starosti).

Takmičari koji se takmiče u starosnoj potkategoriji U-21, kvalitativne bodove skupljaju u starosnom razredu u kojem su registrovani (Omladinci ili Odrasli).

Takmičenje izvan starosne kategorije

Član 5.

Pojedincima (Solo), parovima (Duo), grupama i formacijama iz mlađih starosnih kategorija dozvoljeno se takmičiti u višoj starosnoj kategoriji u skladu sa tabelom.

	Mlađi osnovci	Osnovci	Mlađa mladež	Mladež	Starija mladež	U-21	Odrasli	Veterani
Pioniri 1	DA	NE	NE	NE	NE	NE	NE	NE
Pioniri 2	DA	DA	NE	NE	NE	NE	NE	NE
Juniori 1	NE	DA	DA	NE	NE	NE	NE	NE
Juniori 2	NE	NE	DA	DA	NE	NE	NE	NE
Omladinci	NE	NE	NE	DA	DA	NE	NE	NE
U-21	NE	NE	NE	NE	DA	DA	DA*	NE
Odrasli	NE	NE	NE	NE	DA	DA	DA	DA**
Seniori	NE	NE	NE	NE	NE		NE	DA

*Takmičari starosne kategorije odraslih mogu se takmičiti u kategoriji U-21 ako u kalendarskoj godini pune 19. ili 20. godina starosti.

**Takmičari starosne kategorije seniora mogu se takmičiti u kategoriji odraslih. Cicibanima nije dozvoljeno takmičenje u starijoj kategoriji

Pojedinci i parovi koji se takmiče u višoj starosnoj kategoriji u naprednoj razini, takmičenjem u toj kategoriji ne osvajaju kvalitativne bodove, već kvalitativne bodove osvajaju samo takmičenjem u starosnoj kategoriji u kojoj su registrovani.

Član 6.

U grupi ili formaciji može nastupiti takmičar koji pripada starijoj starosnoj kategoriji koji se takmiči u mlađoj starosnoj kategoriji u skladu sa tabelom:

Broj takmičara koji čini grupu ili formaciju	Broj takmičara koji se natječu u grupi ili formaciji iz više starosne kategorije
Grupa 3 do 7 članova	1 (jedan) takmičar
Formacija 8 do 14 članova	2 (dva) takmičara
Formacija 15 do 20 članova	3 (tri) takmičara
Formacija 21 do 24 članova	4 (četiri) takmičara

Član 7.

Mix age kategorija: dozvoljeno za takmičenje svih starosnih kategorija u slučaju grupe i formacije.

Mix age je posebna kategorija koja se ne takmiči s ostalim starosnim kategorijama grupa i formacija. Takmiče se mix age grupe međusobno.

V. TAKMIČARSKA ODJEĆA I OBUĆA

Član 8.

	POJEDINCI I PAROVI	GRUPE I FORMACIJE
ODJEĆA	Jednostavna civilna odjeća	Isti odjevni predmeti po želji. U slučaju da grupu ili formaciju čine različiti spolovi, moguće je imati različite odjevne predmete karakteristične za taj spol.
OBUĆA	Obavezne su cipele za jazz dance ili plesne cipele (zbog potencijalnih oštećenja na parketu) u skladu sa odredbama Pravilnika o takmičarskoj odjeći i obući SSPKuBiH	
ŠMINKA	U starosnim kategorijama Pionira 1 i 2 te Juniora 1 nije dozvoljeno koristiti šminku.	

U početnoj razini takmičenja takmičari mogu nositi i takmičarsku odjeću u skladu sa Pravilnikom o takmičarskoj odjeći i obući SSPKuBiH bez ograničenja.

U naprednoj razini takmičenja takmičari nose takmičarsku odjeću i obuću te se primjenjuju odredbe Pravilnika o takmičarskoj odjeći i obući SSPKuBiH sa svim pripadajućim ograničenjima.

VI. PRIJAVE, ODJAVE I STARTNINE NA TAKMIČENJIMA

VII.

Prijave i odjave

Član 9.

Prijave za sve oblike takmičenja provodiće se putem web stranice www.sspkbih.ba

Prijave i odjave određuju se raspisom takmičenja

U slučaju prijava izvan roka definisanog na raspisu takmičar plaća dupli iznos startnine za takmičenje.

Klub prijavljuje maksimalno dva voditelja koji će biti u pratnji takmičara.

Klub najkasnije 72 (sedamdesetdva) sata prije takmičenja može prijaviti izmjene u paru (početna razina), grupi ili formaciji (početna ili napredna razina).

Na dan takmičenja moguće su prijave uz plaćanje duplog iznosa startnine. Na dan takmičenja do roka za podizanje brojeva, voditelj kluba mora izvršiti sve eventualne izmjene u startnoj listi za takmičenje.

Startnina

Član 10.

Startnina za takmičenja pojedinaca, parova, grupa i formacija početne i napredne razine utvrđuje se cjenovnikom SSPKuBiH

U sklopu jednog SSPKuBiH takmičenja isti se takmičar u početnoj razini može takmičiti u maksimalno tri oblika takmičenja bez ograničenja na broj plesova ako pleše kao pojedinac ili par.

U sklopu istog SSPKuBiH takmičenja napredne razine takmičar se može takmičiti u maksimalno tri oblika. Takmičar koji se takmiči kao dio SPP, ne može se takmičiti u kategoriji pojedinaca ili parova već kao dio grupe i/ili formacije.

Propisana startnina plaća se organizatoru takmičenja na dan takmičenja u gotovini.

VIII. OBAVEZE

VODITELJA KLUBOVA

IX. Član 11.

Prilikom prijave voditelj kluba dužan je dostaviti:

1. Muziku za grupu ili formaciju u audio ili mp3 formatu (upload na web),
2. Ime grupe ili formacije ,
3. Imena voditelja u pratnji takmičara.

Član 12.

Voditelj kluba na dan takmičenja dužan je:

1. Preuzeti startne brojeve u roku naznačenom na raspisu takmičenja,
2. Provjeriti startnu listu s prijavom koju je poslao,
3. Imati muziku u audio ili mp3 formatu za grupe i formacije (u rezervi),
4. Upoznati takmičare o svim izmjenama i protokolima na takmičenju i
5. Sarađivati s delegatom takmičenja vezano uz takmičare i klub koji predstavlja na takmičenju.

4. OBAVEZE ORGANIZATORA TAKMIČENJA

Član 13.

Organizator takmičenja je dužan:

1. Ako uređenje dvorane dopušta osigurati prostor za suđenje grupa i formacija na povišenoj poziciji,
2. Omogućiti slobodan ulaz za dva voditelja koji su u pratnji takmičara članice,
3. Ostale obaveze propisane aktima SSPKuBiH

5. DELEGAT TAKMIČENJA

Član 14.

Delegat preuzima svu potrebnu dokumentaciju u dogovoru s UOSSPKuBiH

Nadzire odvijanje takmičenja pojedinaca, parova, grupa i formacija u skladu sa ovim pravilima te ostalim aktima SSPKuBiH koji se primjenjuju na takmičenju.

Delegat takmičenja je ovlašten diskvalifikovati pojedinca, par, grupu ili formaciju s u skladu sa Pravilnikom o radu delegata za takmičenja SSPKuBiH.

Delegat će u skladu sa satnicom, a u dogovoru s organizatorom donijeti odluku o rasporedu proba i zagrijavanja za takmičenje kao i načinu dodijele nagrada i priznanja. Delegat će odluku donijeti odmah po zaključenju startne liste za takmičenje te je dužan obavijestiti voditelje o svojoj odluci.

Delegat izrađuje Izvještaj delegata s takmičenja u skladu sa Pravilnikom o radu delegata za takmičenja SSPKuBiH u roku od najviše 5 (pet) dana po završetku takmičenja.

U svom radu Delegat takmičenja primjenjuje odredbe u Pravilnika o radu delegata za takmičenja SSPKuBiH

X. POČETNA RAZINA TAKMIČENJA ZA POJEDINCE PAROVE, GRUPE I FORMACIJE

Pravila za pojedince i parove u početnoj razini takmičenja

Član 15.

POJEDINCI - SOLO	PAROVI - DUO
Pojedinci se takmiče u svakom plesu posebno.	Parovi se takmiče u svakom plesu posebno.
	Natjecatelji istog ili suprotnog spola u plesnom držanju ili side by side.
Izvodi se ograničeni program sportskih plesnih slika u skladu sa WDSF Syllabus-om.	
Trajanje muzike minimalno 1,15 minute do maksimalno 2 minute.	
Muziku osigurava organizator natjecanja.	
Prilikom prijave na takmičenjke pojedinac bira plesove u kojem/kojima se želi takmičiti koje označuje u prijavi.	Prilikom prijave na takmičenje par bira plesove u kojem/kojima se želi takmičiti koje označuje u prijavi

Pravila za grupe i formacije u početnoj razini takmičenja

Članak 16.

GRUPA	FORMACIJA
Grupa ima 3 do 7 članova bez obzira na spol.	Formacija ima 8 do 24 člana bez obzira na spol.
Svi članovi moraju biti na podijumu od početka do kraja koreografije.	
U koreografiji nije dozvoljena kombinacija LA i ST plesova.	
Koreografija se izvodi na vlastitu muziku.	
Koreografija se sastoji od najmanje jednog ST plesa ili LA plesa.	
Ako se koreografija sastoji od jednog plesa trajanje muzike je minimalno 1:30 do maksimalno 2:00 minute.	
Ako se koreografija sastoji od više plesova, plesovi koji čine koreografiju moraju biti jednako vremenski zastupljeni u koreografiji.	
Ako se koreografija sastoji od više plesova trajanje muzike je minimalno 1:30 do maksimalno 4 minute.	
Neograničeni program u početnoj razini može se koristiti na početku, na kraju koreografije te u prelazu iz plesa u ples. Koristiti se u trajanju do ukupno 30 sekundi. Ukupno trajanje neograničenog programa može biti raspoređeno u segmentima kroz dijelove koreografije na mjestima u kojima je dozvoljeno ili može biti u cijelosti izvedeno u samo jednom segmentu koreografije.	
U koreografiji članovi grupe ili formacije mogu tvoriti par, ali ne duže od 20% ukupnog trajanje koreografije.	
Prilikom prijave na takmičenje grupa ili formacija označuje plesove koje je obuhvatila koreografijom u prijavi za takmičenje.	
Tokom izvedbe takmičari ne smiju bacati predmete ili dijelove takmičarske odjeće na podijum.	
Članovi grupe ili formacije imaju 15 sekundi za ulazak te 15 sekundi za odlazak s podijuma.	
Muzika se pušta na znak kapitena grupe ili formacije	

Suđenje u početnoj razini takmičenja

Član 17.

Takmičenja pojedinaca, parova, grupa i formacija početne razine sudi 5 SSPKuBiH ili međunarodnih sudija po izboru organizatora, te Delegat. Obradu rezultata obavlja osoba delegirana za obradu rezultata na SSPKuBiH takmičenju.

Suđenje pojedinaca i parova početne razine

Član 18.

Sudija svakom pojedincu ili paru, dodjeljuje od 1 do 3 boda pri tome je 1 ocjena za solidnu izvedbu, 2 za dobru izvedbu, 3 za odličnu izvedbu.

Ocjenjuje se izvedba svakog pojedinca ili para, odnosno nema uspoređivanja s drugim sudionicima na natjecanju.

Bodovi se sabiraju te se dodjeljuje za:

- 14 - 15 bodova zlatni znak SSPKuBiH
- 10 - 13 bodova srebrni znak SSPKuBiH
- 5 - 9 bodova bronzani znak SSPKuBiH

Suđenje grupa i formacija početne razine

Član 19.

Poželjno je da se suđenje grupa i formacija sudi s povišene pozicije (tribina) ako to nije moguće onda na podijumu ispred formacije.

Ocjenjuje se izvedba svake grupe ili formacije posebno.

Svaki sudija grupi ili formaciji, dodjeljuje od 1 do 3 boda pri tome je 1 ocjena za solidnu izvedbu, 2 za dobru izvedbu, 3 za odličnu izvedbu i to za sljedeće kriterije:

1. koreografija (sadržaj, karakter plesa)
2. tehnika (tehnika LA / ST plesova)
3. muzika (muzička interpretacija, timing)
4. opšti dojam na sceni (ekspresija, korištenje prostora)
5. sinhronizacija (usklađenost pokreta, tehnička

usklađenost) Maksimalan zbroj bodova je 75.

Bodovi se sabiraju te se dodjeljuje za:

- 60 - 75 bodova zlatni znak SSPKuBiH
- 40 - 59 bodova srebrni znak SSPKuBiH
- 25 - 39 bodova bronzani znak SSPKuBiH

Nagrade u početnoj razini takmičenja

Član 20.

Organizator dodjeljuje nagrade u obliku diploma za učešće s znakom saveza (zlatni, srebrni i bronzani znak saveza). U skladu s finansijskim mogućnostima organizator takmičarima uz navedeno može dodijeliti i druge prigodne nagrade.

Organizator u početnoj razini takmičenja može dijeliti i medalje sudionicima.

Preaz iz početne u naprednu razinu

Član 21.

Takmičar može u bilo kom trenutku preći iz početne razine u naprednu razinu (sportska plesna sekcija) SSPKuBIH preregistracijom

Prelaskom takmičenja iz početne razine u naprednu razinu skupljeni bodovi u početnoj razini preračunati će se po disciplini na sljedeći način:

1. U D3 ili nižem kvalitativnom razredu bez kvalitativnih bodova ako je pojedinačno ili u paru osvojio minimalno 150 bodova u najmanje tri plesa u disciplini (ST ili LA),
2. U D2 ili nižem kvalitativnom razredu bez kvalitativnih bodova ako je pojedinačno ili u paru osvojio minimalno 100 bodova u najmanje dva plesa u disciplini (ST ili LA),
3. U D1 razredu bez kvalitativnih bodova ako je pojedinačno ili u paru osvojio manje od 100 bodova u najmanje jednom plesu u disciplini (ST ili LA).

Ako takmičar nastupi u naprednoj razini, nije mu dopušteno takmičiti se u početnoj razini.

XI. NAPREDNA RAZINA TAKMIČENJA POJEDINACA, PAROVA, GRUPA I FORMACIJA

Član 22.

Opšta pravila vrijede i u naprednoj razini natjecanja za pojedince, grupe i formacije.

Oblici takmičenja

Član 23.

Prelaskom na naprednu razinu takmičenja za pojedince, parove, grupe i formacije takmičari pristupaju sportskoj takmičarskoj sekciji SSPKuBiH.

Pojedinci i parovi

Član 24.

U naprednoj razini takmičenja za pojedince i parove primjenjuju se odredbe Pravilnika o radu sekcije za sportski ples i formacije SSPKuBiH kojim je definisan sistem takmičenja, starosni i kvalitativni razredi, obaveze i prava takmičara, sistem suđenja, način vođenja evidencije ostvarenih bodova, napredovanje takmičara te ostala pitanja.

U naprednoj razini sportski plesni par čine plesač i plesačica ili plesačica i plesačica u skladu sa Registracijskim pravilnikom Saveza. Pravilnikom o radu sekcije za sportski ples i formacije propisano je spajanje para kao i razdvajanje koji se primjenjuju na naprednoj razini.

Evidencija kvalitativnih bodova (bodovna lista) vodi se u skladu sa Pravilnikom o radu sekcije za sportski ples i formacije

Grupe i formacije

Član 25.

Grupa ili formacija može nastupiti u naprednoj razni natjecanja ako u sastavu grupe ili formacije svi takmičari registrovani u naprednom razredu.

Kvalitativne razrede u naprednom razredu grupa i formacija su:

1. C razred i
2. B razred.

U C razredu izvodi se ograničeni program sportskih plesnih figura, a u B razredu neograničeni program sportskih plesnih figura.

Grupa ili formacija može se takmičiti u B razredu ako je 51 % članova grupe ili formacije:

- osvojilo 750 bodova u C kvalitativnom razredu grupa i formacija ili,
- ostvarilo najmanje C kvalitativni razredu kao pojedinaca ili dio SPP-a.

Pravila za grupe i formacije napredna razina

GRUPA	FORMACIJA
Grupa ima 3 do 7 članova bez obzira na spol.	Formacija ima 8 do 24 člana bez obzira na spol.
Svi članovi moraju biti na podijumu od početka do kraja koreografije.	
U koreografiji nije dozvoljena kombinacija LA i ST plesova.	
Koreografija se izvodi na vlastitu muziku.	
Koreografija se sastoji od najmanje tri plesa u početnom C razredu, a u naprednom B razredu od pet plesova.	
Trajanje koreografija je minimalno 2 do maksimalno 4 minute.	
Neograničeni program u početnom C razredu može se koristiti na početku, na kraju koreografije te u prelazu iz plesa u ples. Koristiti se u trajanju do ukupno 30 sekundi. Ukupno trajanje neograničenog programa može biti raspoređeno u segmentima kroz dijelove koreografije na mjestima u kojima je dozvoljeno ili može biti u cijelosti izvedeno u samo jednom segmentu koreografije.	
U koreografiji članovi grupe ili formacije mogu tvoriti par, ali ne duže od 20% ukupnog trajanje koreografije.	
Prilikom prijave na takmičenje grupa ili formacija označuje plesove koje je obuhvatila koreografijom	
Tokom izvedbe takmičari ne smiju bacati predmete ili dijelove takmičarske odjeće na podijum.	
Članovi grupe ili formacije imaju 15 sekundi za ulazak te 15 sekundi za odlazak s plesišta.	
Muzika se pušta na znak kapitena grupe ili formacije	

Član 26.

Bodovna lista grupa i formacija u naprednoj razini izrađuje se nakon svakog takmičenja na kojem je grupa ili formacija nastupila na način da se ostvareni bodovi grupe ili formacije evidentiraju svakom članu koji je u sklopu grupe ili formacije nastupio.

Na listi se prikazuje:

1. Ime i prezime takmičara koji su nastupili kao član grupe ili formacije,
2. Naziv grupe ili formacije,
3. Naziv matičnog SPK-a,
4. Starosni razred,
5. Kvalitativni razred grupe ili formacije,
6. Disciplina (ST/LA) i
7. Ostvareni bodovi.

Suđenje u naprednoj razini takmičenja

Član 27.

Takmičenja pojedinaca, parova, grupa i formacija napredne razine sudi 5 SSPKuBiH sudaca, te Delegat po izboru organizatora. Obradu rezultata obavlja osoba delegirana za obradu rezultata na SSPKuBiH takmičenjima.

Organizator takmičenja može proširiti panel sudija pozivanjem stranih sudija na takmičenje.

Suđenje pojedinaca i dueta u naprednoj razini takmičenja

Član 28.

Primjenjuju se odredbe Pravilnika o radu sekcije za sportski ples i formacije.

Suđenje grupa i formacija u naprednoj razini takmičenja

Član 29.

Sudi 5 sudija koji svaku grupu ili formaciju ocjenjuju ocjenom od 1 do 10 pri čemu je ocjena 10 za izvanrednu izvedbu, 9 za odličnu izvedbu, 8 za vrlo dobru izvedbu, 7 za dobru izvedbu, 6 za izvedbu iznad prosjeka, 5 za prosječnu izvedbu, 4 za solidnu izvedbu, 3 za slabu izvedbu, 2 za lošu izvedbu, 1 za jako lošu izvedbu.

Grupe i formacije se prema zbroju bodova rangiraju.

Minimalan broj bodova je 50, a maksimalan broj bodova je 250.

Grupe i formacije se prema zbroju bodova rangiraju.

U slučaju da su grupe ili formacije izjednačene bodovima primjenjuje se Skating sistem

Nagrade u naprednoj razini takmičenja

Član 30.

Organizator osigurava diplome za sve takmičare koji su se uvrstili u finale te članovima grupa ili formacija koje su se plasirale od prvog do šestog mjesta.

Organizator svakom pojedincu koji se uvrstio u finale obvezno dodjeljuje medalje za prva tri mjesta. U skladu s finansijskim mogućnostima organizator natjecateljima uz navedeno može dodijeliti i druge prigodne nagrade.

Organizator grupama i formacijama koje su se plasirale na prva tri mjesta na takmičenju dodjeljuje pehar. U skladu s finansijskim mogućnostima organizator takmičarima može dodijeliti i medalje te druge prigodne nagrade.

IZVOĐENJE TAKMIČENJA

Član 31.

Prije takmičenja moraju se provesti odgovarajuće mjere kako bi se provelo propisano zagrijavanje pojedinaca i parova te probe grupa i formacija.

Svakoj grupi ili formaciji se za probu mora osigurati najmanje 5 minuta u dvorani s odgovarajućom muzikom.

U pojedinačnim krugovima takmičenja zavisno od broja prijava, pojedinci i parovi se razvrstavaju u grupe u skladu sa Pravilnikom o radu sekcije za sportski ples i formacije.

Organizatori mora javno objaviti rezultate nakon završetka takmičenja.

SSPK DPBiH ZA POJEDINCE, DUETE, GRUPE I FORMACIJE

Član 32.

SSPKuBiH Državno prvenstvo za pojedince, duete, grupe i formacije održava se jednom godišnje

Član 33.

Na SSPKuBiH DP-u mogu nastupiti pojedinci, dueti, grupe i formacije koje su unazad godinu dana nastupili na najmanje dva (2) takmičenja početne ili napredne razine

Član 34.

Na SSPKuBiH DP-u svaki oblik takmičenja se takmiči posebno po starosnim kategorijama, ali nema početnog i naprednog razreda.

Na SSPKuBiH DP-u se pojedinci i dueti izuzev kategorije Pioniri 1, takmiče u pet ST ili LA plesova:

STANDARDNI PLESOVI	LATINO-AMERIČKI PLESOVI
Engleski valcer, tango, bečki valcer, slow fox, quickstep	Samba, cha-cha-cha, rumba, paso doble, jive

Pojedinci i dueti u kategoriji Pionira 1 se takmiče u tri ST ili LA plesa:

STANDARDNI PLESOVI	LATINO-AMERIČKI PLESOVI
Engleski valcer, tango, quickstep	Samba, cha-cha-cha, jive

Član 35.

Na SSPKuBiH DP-u za pojedince i duete se primjenjuje pravila suđenja za naprednu razinu, odnosno suđenje se odvija po Skating sustavu.

Za grupe i formacije na SSPKuBiH DP-u se primjenjuje sistem suđenja napredne razine za grupe i formacije.

Članak 36.

Broj pojedinaca i dueta koji će se plasirati u naredno kolo takmičenja utvrđuje se prema sljedećoj tabeli:

Kolo takmičenja	Broj prijavljenih takmičara i dueta	Broj takmičara ili dueta koje biraju sudije
1/16	do 96	48
1/8	do 48	24
1/4	do 24	12
1/2	do 12	6
finale	od 1 do 6	-

Prije početka određenog kola osim finala, na temelju tabele, Delegat odlučuje koliko će pojedinaca sudije birati u sljedeće kolo takmičenja.

Ako je broj pojedinaca koji dijele mjesto za ulazak u sljedeće kolo veći od broja predviđenog tabelom primjenjuju se odredbe Pravilnika o radu sekcije za sportski ples i formacije

Član 37.

Savez svakom pojedincu i duetu koji se uvrstio u finale dodjeljuje diplomu te medalju u slučaju prva tri mjesta na takmičenju.

Savez svakom članu grupe ili formacije koje su se plasirale od prvog do šestog mjesta dodjeljuje diplome, a grupama i formacijama koje su se plasirale na prva tri mjesta na takmičenju dodjeljuje diplome i pehar. Ako finansijske mogućnosti budu omogućavale grupama i formacijama dodijeliće se i medalje u slučaju prva tri mjesta na takmičenju.

XII. PRELAZNE I ZAVRŠNE ODREDBE

Član 38.

Za sva pitanja koja ovim pravilima nisu definisana primijeniti će se srodne odredbe Pravilnika o radu sekcije za sportski ples i formacije

Takmičar koji je nastupio na takmičenju izvan BiH u sistemu takmičenja članice WDSF-a matični SPK obavezan je u roku od 5 (pet) dana od održanog natjecanja popuniti putem web stranice Saveza on-line obrazac Izvještaja o nastupu takmičara na stranom takmičenju ili poslati na mail osobi zaduženoj za obradu rezultata izvještaj sa takmičenja. Kvalitativni bodovi neće biti priznati ako se izvještaj o takmičenju ne preda u roku. Ako se rezultati sa spomenutog takmičenja ne mogu obezbijediti u zadanom roku, isti se moraju dostaviti ovlaštenoj osobi za registraciju takmičara, vođenje evidencije o takmičarima i takmičenjima te obradu rezultata na takmičenjima Saveza u roku od 7 (sedam) dana od dana objave rezultata, a ne kasnije od 30 (trideset) dana od dana održavanja takmičenja. Izvan toga roka bodovi se neće priznati.

Član 39.

Ako je takmičar bilo registrovan u sportskoj sekciji kao dio SPP-a, a takmičenje nastavlja kao pojedinac, bodovi osvojeni kao dio SPP-a preračunavaju se po disciplini na način da se prenose svi osvojeni bodovi po kvalitativnim razredima.

Prilikom registracije natjecatelja iz napredne razine u SPP, takmičar zadržava 30% (3/10) ukupno osvojenih bodova kao pojedinac po disciplini.

Ako pojedinac prelazi iz početne razine u SPP, takmičaru se dodjeljuje kvalitativni razred i bodovi u skladu sa članom 21. ovog Pravilnika od kojih takmičar zadržava 30% (3/10) ukupno osvojenih bodova kao pojedinac po disciplini.

Član 40.

Tumačenje ovog Pravilnika daje Upravni odbor Saveza.
Izmjene i dopune ovog Pravilnika obavlja i usvaja Upravni odbor.
Inicijativu za izmjene i dopune ovog Pravilnika može dati svaki predstavnik u Skupštini Saveza, član Upravnog odbora.

Član 41.

Ovaj Pravilnik stupa na snagu danom njegove objave na Internet stranicama Saveza

Branko Savanović
Predsjednik
SSPKuBiH